

Na osnovu članka 19. alineja 8. Poslovnika Skupštine Brčko Distrikta Bosne i Hercegovine, «Službeni glasnik Brčko Distrikta BiH», broj 1/00, donosim

O D L U K U
O PROGLAŠENJU ZAKONA O OPROSTU
BRČKO DISTRIKTA BOSNE I HERCEGOVINE

I

Proglašavam Zakon o amnestiji Brčko Distrikta Bosne i Hercegovine, koji je usvojila Skupština Brčko Distrikta na 24-oj sjednici održanoj 19. srpnja 2001. godine.

II

Ovu odluku objaviti u «Službenom glasniku Brčko Distrikta Bosne i Hercegovine».

Broj: 02-49/01
Brčko, 19. srpanj 2001. god.

PREDSJEDNIK
SKUPŠTINE BRČKO DISTRIKTA

Mirsad Đapo, dipl. pravnik v.r.

Na osnovu članka 23 Statuta Brčko Distrikta Bosne i Hercegovine, Skupština Brčko Distrikta Bosne i Hercegovine, na 24-oj sjednici održanoj 19. srpnja 2001. god., usvaja

ZAKON O OPROSTU
BRČKO DISTRIKTA BOSNE I HERCEGOVINE

Članak 1

(1) Ovim zakonom daje se oslobođenje od krivičnog gonjenja, potpuno ili djelomično oslobođenje od izrečene kazne ili neizvršenog dijela kazne (u daljem tekstu oprost):

- osobama koja su u periodu do 22. prosinca 1995. godine učinile bilo koje od krivičnih djela predviđenih odgovarajućim krivičnim zakonima koji su se primjenjivali na teritoriji Republike Srpske i Federacije Bosne i Hercegovine, osim krivičnih djela protiv čovječnosti i međunarodnog prava iz glave XVI preuzetog Krivičnog zakona SFRJ, krivičnih djela definiranih u Statutu Međunarodnog suda za bivšu Jugoslaviju, te krivičnih djela ubojstva iz članka 36, silovanja iz članka 88, zatim djela protiv dostojanstva osoba i morala iz članka 90, 91 i 92, te teški slučajevi razbojničke krađe ili razbojništva iz članka 151, kao i članka 186 stavak 2, a u vezi s člankom 182 Krivičnog zakona Republike Bosne i Hercegovine, ako je tim zakonom ili drugim odgovarajućim

zakonom koji se primjenjivao na teritoriji Federacije predviđeno kažnjavanje ovih osoba za to krivično djelo;

- osobama koja su učinila bilo koje od krivičnih djela protiv osnova društvenog uređenja Republike Srpske iz članka XV, krivičnih djela protiv oružanih snaga Republike Srpske i krivičnih djela širenja lažnih vijesti iz članka 203 i nedozvoljenog držanja oružja i eksplozivnog materijala iz članka 213 Krivičnog zakona Republike Srpske-posebni dio.

- (2) Izuzimaju se od oprosta osobe koje su izvršile one oblike krivičnih djela kod kojih se kao posljedica pojavljuje umišljajno lišenje života druge osobe.

Članak 2

- (1) Ako protiv osoba iz članka 1 ovog zakona nije pokrenut krivični postupak, postupak se neće ni pokrenuti, a ako je postupak u tijeku – obustavit će se.
- (2) Ako je osobi iz članka 1 ovog zakona pravosnažno izrečena kazna zatvora, oslobodit će se od izvršenja te kazne u cjelini u dijelu koji nije izvršen.

Članak 3

- (1) Rješenje o promjeni oprosta donosi sud pred kojim je krivični postupak u tijeku, odnosno koji je sudio u prvom stupnju po službenoj dužnosti ili na prijedlog okrivljene ili osuđene osobe ili osobe koje u korist okrivljene osobe može izjaviti žalbu.
- (2) Rješenje iz stavka 1 sud je dužan donijeti u roku od tri dana od dana stupanja na snagu ovog zakona, odnosno u roku od tri dana od prijema prijedloga.

Članak 4

- (1) Protiv rješenja o promjeni oprosta žalbu mogu izjaviti Javni tužitelj Brčko Distrikta Bosne i Hercegovine, okrivljeni i njegov branitelj, osuđeni i osoba koje u korist okrivljenog može izjaviti žalbu u slučaju da je ona podnijela prijedlog za davanje oprosta.
- (2) Žalba protiv rješenja o primjeni oprosta ne zadržava izvršenje rješenja.

Članak 5

Ako se osoba na koje se odnosi rješenje o primjeni oprosta nalazi u pritvoru ili na izdržavanju kazne zatvora, sud će odrediti da se odmah pusti na slobodu.

Članak 6

Na dostavljanje pismena, računanje rokova i postupak po žalbi shodno se primjenjuju odredbe Zakona o krivičnom postupku Brčko Distrikta Bosne i Hercegovine («Službeni glasnik Brčko Distrikta Bosne i Hercegovine», broj 7/00).

Članak 7

Odredbe ovog zakona ne diraju prava oštećenih osoba na ostvarivanje imovinsko-pravnog zahtjeva u parničnom postupku.

Članak 8

Ovaj zakon stupa na snagu danom objavljivanja u «Službenom glasniku Brčko Distrikta Bosne i Hercegovine».

Broj: 0-02-022-313/01
Brčko, 19. srpanj 2001. god.

PREDSJEDNIK
SKUPŠTINE BRČKO DISTRIKTA

Mirsad Đapo, dipl. pravnik, v.r.

This document was created with Win2PDF available at <http://www.daneprairie.com>.
The unregistered version of Win2PDF is for evaluation or non-commercial use only.